



Eich cyf/Your ref P-06-1372
Ein cyf/Our ref LW/02464/23

Jack Sargeant AS
Cadeirydd y Pwyllgor Deisebau
Senedd Cymru
Bae Caerdydd
Caerdydd
CF99 1SN
Government.Committee.Business@llyw.cymru

01 Tachwedd 2023

Annwyl Jack,

Diolch am eich gohebiaeth ar 02 Hydref ynghylch 'Deiseb P-06-1372 Achub ein gwasanaeth fflecsi bwcabus'.

Mae gwasanaeth Bwcabus wedi bod yn rhedeg nawr ers dros ddeng mlynedd, yn ystod y cyfnod hwn rydym naill ai wedi ariannu'r cynllun yn uniongyrchol neu wedi hwyluso cyllid grant - ac roedd y diweddaraf o'r Undeb Ewropeaidd. Yn anffodus, mae'r pecyn diweddaraf o arian yr Undeb Ewropeaidd bellach wedi dod i ben gan ein bod wedi gadael yr Undeb Ewropeaidd. Nid oes unrhyw gyllid newydd wedi ei ddarparu gan Lywodraeth y DU er gwaethaf eu haddewidion na fyddai Cymru geiniog gwaeth ar ôl Brexit. Mae heriau cyllideb Llywodraeth Cymru hefyd yn golygu na allwn ddod o hyd i gyllid amgen o gyllidebau adrannol ar gyfer y cynllun.

Bwcabus oedd un o'r cynlluniau bysiau gwasanaeth ar alw cyntaf i gael eu cyflwyno yng Nghymru, ac mae wedi rhoi cipolwg gwerthfawr i ni a'r awdurdodau lleol ar heriau gweithredol rhedeg y mathau hyn o wasanaethau. Ers hynny rydym wedi ariannu nifer o gynlluniau pilot fflecsi mewn ardaloedd eraill.

Mae Trafnidiaeth Cymru wedi cynnal gwerthusiad manwl o gynllun Bwcabus, a oedd yn edrych yn fanwl ar gostau gweithredol a'r galw gan deithwyr am y gwasanaeth. Yn anffodus, er gwaethaf y ffaith bod cynllun Bwcabus wedi bod yn rhedeg nawr ers nifer o flynyddoedd, mae'r galw gan deithwyr am y gwasanaeth yn parhau i fod yn isel iawn - fel arfer dim ond un teithiwr sy'n cael ei gludo fesul awr fesul cerbyd. Mae hyn, ynghyd â'r ffaith bod contractau gwasanaeth Bwcabus yn dod i ben yn fuan, a'r gost a ragwelir o ddisodli'r rhain ar sail 'tebyg am debyg' hefyd yn edrych yn afresymol o ddrud.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Lee.Waters@llyw.cymru
Correspondence.Lee.Waters@gov.wales

Rydym yn croesawu derbyn gohebiaeth yn y Gymraeg. Byddwn yn ateb gohebiaeth Gymraeg sy'n dod i law yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rydym wedi darparu cyllid ychwanegol i Gyngor Sir Caerfyrddin i'w galluogi i barhau â'r gwasanaeth tan ddiwedd mis Hydref.

Ers hynny mae Cyngor Sir Penfro wedi cadarnhau eu bod yn mynd i ariannu'r rhannau o'r gwasanaeth Bwcabus sy'n gweithredu yn Sir Benfro o ddiwedd mis Hydref ymlaen yn ystod yr wythnos, ond heb gynnwys dydd Sadwrn.

Rydym yn gweithio gyda Chynghorau a darparwyr Trafnidiaeth Gymunedol i weld y ffordd orau o wasanaethu'r cymunedau y mae cau cynllun Bwcabws yn effeithio arnynt.

Yn gywir,

A handwritten signature in black ink, appearing to read 'Lee', is centered within a light gray rectangular box.

Lee Waters AS

Y Dirprwy Weinidog Newid Hinsawdd